

# Africa

**Africa** ye un d'os cinco continentes, chunto con Europa, Asia, America y Oceanía. Muga a lo norte con a mar Mediterrania que la desepara d'Europa, a l'ueste con l'ocián Atlantico y a l'este con a mar Roya (que la desepara d'Asia), l'ocián Indico y Asia a través d'a canal de Suez. O continent african tien una superficie de 30.221.532 km² (ye o segundo continent por a suya superficie) y una población de 1.000.010.000 d'habitants (tamién ye o segundo continent por a suya población, con o 16,14% d'os habitants d'o planeta), con una densidat de población de 30,51 hab/km². En fan parte 48 países (encluyendo-ie a isla de Madagascar, a mas gran d'as islas africanas) y 53 (encluyendo-ie tamién as islas y archipelagos).

Ye un continent con muita importancia ta la Historia, que gosa estar considerato l'orichen de l' *Homo sapiens* u mesmo d'a familia d'os *Hominidae*, seguntes os chacimientos localizatos por os arqueologos en Etiopía, Kenia u Tanzania, amás d'atros chacimientos menors en países como Sudafrica. Ye tamién uno d'os puestos a on naixió l'actual civilización, en a val d'o río Nilo, con a civilización de l'Antigo Echipto, que yera en contacto con as civilizacions d'Orient Meyo y con as civilizacions d'a mar Mediterrania, como l'Antiga Grecia u l'Antiga Roma. Antiparte, en o sieglo XIX as potencias europeas establioron as suyas colonias en o continent, quedando nomás Liberia y Etiopía como as solas naciones independentes, dica o proceso de descolonización en os anyos 1960, quan a mayor parte d'os territorios africanos plegoron a la suya independencia. Dende ixe inte, o continent ha padeixito frequents guerras (mas que mas guerras civils) y dende os anyos 1970 una constant situación de sequera en o centro-norte d'o continent, estando amás uno d'os puestos d'o mundo a on mas s'ha estendillato a SIDA, que ye en bells países una important causa de mortalidat.

A climatolochía d'o continent ye muit variata, con clima templato en as costas d'a mar Mediterrania y a o sud, en Sudafrica, climas calidos y deserticos en os tropicos y climas calidos y humidos en o equador terrestre, encara que una caracteristica común a totz ixes climas ye o feito que no bi ha en Africa ni plevias regulars ni grans montanyas que puedan templar o clima con cheleras u nieu, estando asinas a sola influencia dulcificadora d'o clima a que tien o suyo orichen en as mars y ocians exteriors. Tampoco no tien pas un rete desenvolicato de ríos, estando nomás ríos importants o río Nilo, que dende o o suyo naixedero en o centro-este d'o continent puya enta o norte ta desauguar en a mar Mediterrania, o río Congo, que dende o centro d'o continent marcha enta l'ueste dica l'ocián Atlantico, o río Nícher, que drena a parte centro-oriental d'o continent desauguando en o golfo de Guinea y o río Zambezi, o solo d'os grans ríos d'o continent que desauga en l'Ocián Indico.

Africa	
Continent	
	
Entidat	Continent
<b>Superficie</b> <ul style="list-style-type: none"><li>• <b>Total</b></li></ul>	Posición 2º de 7 30.221.532 km²
<b>Población</b> <ul style="list-style-type: none"><li>• <b>Total</b></li><li>• <b>Densidat</b></li></ul>	Posición 2º de 7 1.340.598.147 hab. (2020) 30,51 hab/km²
<b>Estatos</b>	53
<b>Zonas horarias</b>	UTC-1 a UTC+4
<b>Chentilicio</b>	African/a

## Contenius

---

### Etimolochía

#### Cheografía

- Cheografía física
- Cheografía humana
- Países

#### Historia

- Prehistoria y Edat Antiga
- Os grans imperios africans

#### Economía

- Recursos naturals

#### Vinclos externos

#### Referencias



Mapa d'Africa.

## Etimolochía

---

Encara que no gosa trobar-se una opinió unanime, sí ye platero que o nombre d'Africa provién d'o latín.

Seguntes una teoría, o suyo nombre deriva d'o nombre d'un viento d'a península italiana, l' africus, que designaba en a Campania a un viento humido que proveniba de Cartago. Cal parar cuenta que basicament, os romans no designaban con o nombre d' Africa mas que a la parti occidental d'Africa d'o Norte, ye decir alto u baixo l'actual Tunicia.

Seguntes una segunda teoría, o continent recibió o suyo nombre d'o nombre d'una tribu berber, a tribu d'os Banu Ifren. O suyo antipasato eponimo yera Ifren, con un termin relacionato con as esplugas. Antiparte, Ifri ye o nombre d'una antiga diosa berber.

## Cheografía

---

*Ta más detalles, veyer l'articlo **Cheografía d'Africa**.*

### Cheografía física

O continent african muga a lo norte con a mar Mediterrania que la desepara d'Europa, a l'ueste con l'ocián Atlantico y a l'este con a mar Roya (que la desepara d'Asia), l'ocián Indico y Asia a través d'a canal de Suez. Dende o suyo cabo septentrional, que se troba en Tunicia, dica o suyo cabo meridional, que se troba en Sudafrica, o continent s'estendilla 8.000 km, y dende o suyo cabo occidental en Cabo Verde dica o suyo cabo oriental en Somalia, alto u baixo 7.400 km. O continent african tien una superficie de 30.221.532 km<sup>2</sup> (estando o segundo continent por a suya superficie) y una población de 1.000.010.000 d'habitants (tamién ye o segundo continent por a suya población, con o 16,14% d'os habitants d'o planeta), con una densidat de población de 30,51 hab/km<sup>2</sup>. En fan parte 48 países (encluyendo-ie a isla de Madagascar, a mas gran d'as islas africanas) y 54 (encluyendo-ie tamién as islas y archipiélagos). O país con una superficie mas gran ye Sudán, que ye o 10<sup>eno</sup> d'o mundo (antis d'independizar-se o Sudán d'o Sud, que h esdevenito o 54<sup>eno</sup> estato independent d'Africa).



Mapa de Madagascar, que ye a mayor d'as islas d'o continent african.

O suyo litoral no tien accidents destacatos, encara que sí que cal charrar d'o golfo de Guinea, que se troba en a parte occidental d'o continent, en l'ocián Atlantico. Entre as suyas islas, cal destacar Madagascar (que ye a mas gran d'as islas d'o continent), as islas Canarias, as islas de Cabo Verde, Socotora, Zanzíbar, Reunión u as Comoras.

Tampoco no tiene Africa muitas montanyas d'altarias importants, encara que cal destacar o Kilimanjaro y o mont Kenia, con mas de 5.000 metros d'altaria sobre o ran d'a mar.

Os suyos ríos prencipals son o río Nilo (o mas largo d'o mundo), o río Congo, o río Nícher y o río Zambezi. Tamién cal citar bellos lacos, como o laco Victoria, o laco Malawi y u laco Tanganyka.

## Cheografía humana

A distribución d'a población d'o continent african no ye pas homochenia, por a gran diferenciación en as condicions climatolojicas. Asinas, parte d'o continent ye un desierto, como o desierto d'o Sahara u o desierto d'o Kalahari, y en atras grans partes d'o continent a existencia de selvas tropicals fa imposibles as grans concentracions humanas, que en ixas condicions se troban mas que mas en a val d'o río Nilo, que trescruza de sud enta norte a parti occidental d'Africa.

Africa ye o continent que poseya una mayor tasa de creixencia d'a población, con un 2,9% en os anyos 1975-1980 y un 3% en os anyos 1980-1990, a conseqüencia d'una alta tasa de natalidat (44 por mil en 1986-1990), encara que ixe aumento de población queda mitigato por una alta tasa de mortalidat infantil, que reduz l'asperanza de vida meya d'os africanos dica

las 53 anyadas de vida.

Africa ye un continent con una gran variedat lingüística, y s'estima que se i charran arredol de 1.000 luengas diferents, a mayor parte con menos de 100.000 fablants. Debito a ista gran fragmentación lingüística, en a mayor parte d'os nuevos estatos establitos con o proceso descolonización mientres os anyos 1960 y os anyos 1970 han adoptato como luengas oficials a luenga de l'antiga metropoli; as excepciones en son os países de luenga arabe en Africa d'o Norte y bellos otros países, como Tanzania (con o swahili), Etiopia (con l'idioma amarico) y Somalia (con l'idioma somalí). J.H.Greenberg proposó en 1963 una división d'as luengas africanas en quatre grans familias lingüísticas: as luengas afro-asiaticas (con as luengas semiticas, as luengas echipcias, as luengas berbers, as luengas chadicas, as luengas cusitas y as luengas omoticas), as luengas nilotico-saharianas, as luengas khoisan y as luengas nichero-kor-dofanianas.



Mapa que amuestra as luengas oficials en os estatos africanos.


Respective d'a religió, l'Islam entró en Africa dende zaguerías d'o siegle VII con as conquistas arabes de l'Africa d'o Norte, y dende ista redolada s'estendilló enta o sud a través d'as rotas comercials por o desierto d'o Sahara y por a mar Roya y l'ocián Indico. O cristianismo, que yera present en o norte d'Africa dende as suyas mesmas orichens, desapareixió con a conquista arabe sin estar capable d'estendillar-se enta o sud, con a excepción d'Etiopía, y quasi heba desapareixito dica que dende a segunda metat d'o siegle XIX tornoron a amostrar-lo misioners europeus. Actualment arredol d'un 40-45% d'a población africana profesa l'islamismo, un 40-45% os diferents ritos cristians y la resta conservan l'animismo anterior a la introducción d'ixas dos religions monoteístas.




Respective d'as razas, se i puet trobar en Africa tipos racials prou esferenciats, con un norte y un desierto d'o Sahara de raza blanca composato por os países arabes, un amplo grupo de raza negra en o sud y o centro d'o continent, con un redució grupo de raza amariella en a isla de Madagascar. Antiparte, dende o siegle XVII s'establí en o sud d'o continent, mas que mas en l'actual Sudafrica, una ampla presencia de blancos, os ditos afrikaans, d'orichen mas que mas neerlandés.

## Países




En Africa se gosa distinguir entre l'Africa d'o Norte y l'Africa subsahariana (tamién dita de vegatas *Africa negra*, y aintro d'ista zaguera trobamos l'Africa Occidental, l'Africa Oriental, l'Africa Central y l'Africa Austral, cadaguna con características propias.

En l'Africa d'o Norte predomina d'una man a raza blanca, a luenga arabe y a religión islamica; tanimientres, en l'Africa subsahariana predomina a raza negra, con menos presencia de l'arabe (a excepción de zonas amanatas a o norte d'o continent) y a on a presencia d'a religión islamica coexiste con os cultos animistas y con o cristianismo, encara que l'islamismo ye predominant en l'Africa Oriental y Central (con a notable excepción d'Etiopía).










País o territorio, con a suya <u>bandera</u>	<u>Superficie</u> (km²)	<u>Población</u> (2002)	<u>Densidat de población</u> (hab/km²)	<u>Capital</u>
<b>Africa Oriental:</b>				
 <u>Burundi</u>	27.830	8.090.068	229,0	<u>Bujumbura</u>
 <u>Comoras</u>	2.170	690.948	283,1	<u>Moroni</u>
 <u>Chibuti</u>	23.000	768.900	20,6	<u>Chibuti</u>
 <u>Eritrea</u>	121.320	4.465.651	36,8	<u>Asmara</u>
 <u>Etiopía</u>	1.127.127	74.777.981	60,0	<u>Addis Abeba</u>
 <u>Kenia</u>	582.650	34.707.817	53,4	<u>Nairobi</u>
 <u>Madagascar</u>	587.040	18.595.469	28,1	<u>Antananarivo</u>
 <u>Malawi</u>	118.480	13.013.926	90,3	<u>Lilongwe</u>
 <u>Mauricio</u>	2.040	1.200.206	588,3	<u>Port Louis</u>
 <u>Mozambique</u>	801.590	19.686.505	24,5	<u>Maputo</u>
 <u>Ruanda</u>	26.338	8.648.248	280,9	<u>Kigali</u>
 <u>Seychelles</u>	455	83.688	176,0	<u>Victoria</u>
 <u>Somalia</u>	637.657	7.753.310	12,2	<u>Mogadixo</u>
 <u>Sudán d'o Sud</u> <sup>[1]</sup>				<u>Yuba</u>
 <u>Tanzania</u>	945.087	37.187.939	39,3	<u>Dodoma</u>

 <u>Uganda</u>	236.040	24.699.073	104,6	<u>Kampala</u>
 <u>Zambia</u>	752.614	9.959.037	13,2	<u>Lusaka</u>
 <u>Zimbabwe</u>	390.580	11.376.676	29,1	<u>Harare</u>








*Dependencias europeas en Africa Oriental:*

 <u>Islas Ixeminatas (Francia)</u>	44	0	0	<u>Saint-Denis</u>
 <u>Mayotte (Francia)</u>	374	201.234	456,9	<u>Mamoudzou</u>
 <u>Reunión (Francia)</u>	2.512	787.584	296,2	<u>Saint-Denis</u>





**Africa Central:**

 <u>Angola</u>	1.246.700	10.593.171	8,5	<u>Luanda</u>
 <u>Camerún</u>	475.440	16.184.748	34,0	<u>Yaoundé</u>
 <u>Republica Centrafricana</u>	622.984	3.642.739	5,8	<u>Bangui</u>
 <u>Chad</u>	1.284.000	8.997.237	7,0	<u>N'Djamena</u>
 <u>Republica d'o Congo</u>	342.000	2.958.448	8,7	<u>Brazzaville</u>
 <u>Republica Democratica d'o Congo</u>	2.345.410	55.225.478	23,5	<u>Kinshasa</u>
 <u>Guinea Equatorial</u>	28.051	498.144	17,8	<u>Malabo</u>
 <u>Gabón</u>	267.667	1.233.353	4,6	<u>Libreville</u>
 <u>Sant Tomé y Prencipe</u>	1.001	170.372	170,2	<u>São Tomé</u>


**Africa d'o Norte:**

 <u>Alcheria</u>	2.381.740	32.277.942	13,6	<u>Alcher</u>
 <u>Echipto</u>	1.001.450	70.712.345	70,6	<u>O Caire</u>
 <u>Libia</u>	1.759.540	5.368.585	3,1	<u>Tripoli</u>
 <u>Marruecos</u>	446.550	31.167.783	69,8	<u>Rabat</u>
 <u>Sahara Occidental<sup>[2]</sup></u>	266.000	256.177	1,0	<u>L'Aaiún</u>
 <u>Sudán</u>	2.505.810	37.090.298	14,8	<u>Jartum</u>
 <u>Tunicia</u>	163.610	9.815.644	60,0	<u>Túniz</u>

*Dependencias europeas en Africa d'o Norte:*

 <u>Canarias (Espanya)</u>	7.492	1.694.477	226,2	<u>Las Palmas de Gran Canaria</u>
 <u>Ceuta (Espanya)</u>	20	71.505	3.575,2	—
 <u>Madeira (Portugal)</u>	797	245.000	307,4	<u>Funchal</u>
 <u>Melilla (Espanya)</u>	12	66.411	5.534,2	—

**Africa Austral:**

 <u>Botswana</u>	600.370	1.591.232	2,7	<u>Gaborone</u>

 <a href="#">Lesoto</a>	30.355	2.207.954	72,7	<a href="#">Maseru</a>
 <a href="#">Namibia</a>	825.418	1.820.916	2,2	<a href="#">Windhoek</a>
 <a href="#">Sudafrica</a>	1.219.912	43.647.658	35,8	<a href="#">Pretoria</a>
 <a href="#">Swazilandia</a>	17.363	1.123.605	64,7	<a href="#">Mbabane</a>
<b>Africa Occidental:</b>				
 <a href="#">Benín</a>	112.620	6.787.625	60,3	<a href="#">Porto-Novo</a>
 <a href="#">Burkina Faso</a>	274.200	12.603.185	46,0	<a href="#">Ouagadougou</a>
 <a href="#">Cabo Verde</a>	4.033	408.760	101,4	<a href="#">Praia</a>
 <a href="#">Costa de Vori</a>	322.460	16.804.784	52,1	<a href="#">Abidjan,</a> <a href="#">Yamoussoukro</a>
 <a href="#">Gambia</a>	11.300	1.455.842	128,8	<a href="#">Banjul</a>
 <a href="#">Ghana</a>	239.460	20.244.154	84,5	<a href="#">Accra</a>
 <a href="#">Guinea</a>	245.857	7.775.065	31,6	<a href="#">Conakry</a>
 <a href="#">Guinea-Bissau</a>	36.120	1.345.479	37,3	<a href="#">Bissau</a>
 <a href="#">Liberia</a>	111.370	3.288.198	29,5	<a href="#">Monrovia</a>
 <a href="#">Mali</a>	1.240.000	11.340.480	9,1	<a href="#">Bamako</a>
 <a href="#">Mauritania</a>	1.030.700	2.828.858	2,7	<a href="#">Nouakchott</a>
 <a href="#">Nícher</a>	1.267.000	10.639.744	8,4	<a href="#">Niamey</a>
 <a href="#">Nicheria</a>	923.768	129.934.911	140,7	<a href="#">Abuja</a>
 <a href="#">Senegal</a>	196.190	11.343.328	57,8	<a href="#">Dakar</a>
 <a href="#">Sierra Leone</a>	71.740	5.614. 743	78,3	<a href="#">Freetown</a>
 <a href="#">Togo</a>	56.785	5.285.501	93,1	<a href="#">Lomé</a>
<i>Dependencias europeas en Africa Occidental:</i>				
 <a href="#">Santa Helena (Reino Unido)</a>	410	7.317	17,8	<a href="#">Jamestown</a>
<b>Total</b>	<b>30.368.609</b>	<b>843.705.143</b>	<b>27,8</b>	

## Historia

*Ta más detalles, veyer l'artículo [Historia d'Africa](#).*

## Prehistoria y Edat Antiga

## Os grans imperios africanos

En Africa de l'ueste, dende o sieglu VI dica principios d'o siguiente milenio, a gran actividat comercial y a fertilidat d'a suya tierra, favoreixieron a emerchencia de poderosos reinos y imperios, como por eixemplo o reino Mossi, a civilización Nok, o imperio de Mali, l'Oba de Benin, o reino de Kanem-Bornou, o Dahomey, o reino d'Oyo, o imperio Ashanti, o imperio de Ghana, o imperio Songhai, o imperio Djolof, o imperio Kongo, o imperio peul de Macina, o reino bambara de Segou u o imperio Monomotapa.



O establecimiento d'o imperio de Mali, tamién dito Mandé u Manden, ye sin garra dadalo uno d'os mas grans escaicimientos d'a historia d'Africa. Se produció en 1235, quan Soundiata Keita ganó con o suyo exercito a batalla de Kirina<sup>[3]</sup>. Soundiata esdevenió alavez "rei de reis" u "emperador", y se li considera como a uno d'os mas grans heroes de toda Africa, encara que a transmisión oral d'a suya historia haiga puesto contribuir a que a suya vida tienga as características propias d'un heroe de cuento. Dotó a lo suyo imperio d'una constitución, a carta de Kurukan Fuga u carta d'o Manden en 1236, que en bellos aspectos s'amana a una declaración de dreitos humans. Ista carta, que s'ha transmittito oralment de cheneración en cheneración, reculle entre d'atros o dreito a la vida, a preservación d'a integridat fisica, a tolerancia, o respeto respective d'os sabios y marabouts, o prencipio d'educación d'os ninos por parte de totz, l'asociación d'as mullers a la vida politica, o buen trato respective d'os esclavos, etc. Mesmo se i fa mención d'una supresión d'a esclavitud, encara que ista institución continuó existindo *de facto*. A carta da igualment reglas economicas, y tamién respective d'a guerra.<sup>[4][5]</sup>

## Mapa de l'Africa pre-colonial

A l'este, o reino d'Etiòpia continuó con o reino d'Axum, que desembolicó relacions comercials entre Africa, Orient Meyo y a India.<sup>[6]</sup>

Ta rematar, en Africa austral, que alazetalment tera ocupata por os pueblos khoisan y dimpués por os bantús, o Gran Zimbabwe, centro d'o imperio Monomotapa, i amanixe dende o século IV.

Bellas federacions mas laxas de ciudatz-estado, como por eixemplo os yorubas y os haussa, tamién existieron, encara que a mayor parte d'istos reinos desaparexieron u a lo menos perdieron parte d'o suyo esplendor con a presencia d'os europeos en os puertos d'o golfo de Guinea.<sup>[7]</sup>

# Economía

*Ta más detalles, veyer l'artículo **Economía d'Africa**.*

En a suya condició d'antigas colonias europeas, a mayoría d'os países africanos mantienen estreitas relaciones economicas con a Unión Europea.

S'ha creyato una organización supranacional pareixita a la UE, dita Unión Africana, d'a que en fan parte a totalitat d'estatos africans, con a excepción de Marruecos, que no reconeix a la Republica Arabe Saharaui Democratica que sí que en fa parte, en estar reconeixita por a resta de païses africans.

A maior parte d'os países africanos se troban en una situación económica prou feble, en vivir alto u baixo o 50% d'a poboación africana con una baixísima renda per capita, mesmo inferior a un dólar estadounidense por día. Por iso se considera que son países subdesenvolvidos, estando en África a maior parte de países d'o Tercer Mundo u "en vías de desenvolvemento" segundes a terminoloxía económica. De feito, o Produto Interior Bruto d'África é nomás o 2,6 d'o PIB mundial.


## Recursos naturales

Sindembargo, Africa ye un continent prou rico en recursos naturals. Mientras a colonización europea, se faciò a explotación d'os recursos mas fácils d'obtenir, destacando-ne l'oro, o vori d'os alifants, as piedras preciosas (destacando-ne diamant, pero tamién d'atras) u las fustas preciosas u semi-preciosas. Os diamants, o petrolio, o gas natural y a menería en cheneral han esdevenito mas freqüents dimpués d'a independència,

pero a manca de capitals t'a suya explotación ha feito que ixos recursos gosen estar propiedat d'interpresas foranas, mas que mas d'Europa y d'Estados Unidos, feito que condiciona a vida politica africana dende os anyos 1960.

O sector d'a industria ye quasi inexistent en Africa, con as excepciones de Sudafrica, Echipto, Tunicia y Marruecos.

## Vinclos externos

-  Se veigan as imáchens de Commons sobre Africa.

## Referencias

Un diamant d'una mena de Sudafrica.



1. Independent dende 2011 de Sudán.
2. O Sahara Occidental ye reivindicato como país independent por a Republica Arabe Saharaui Democrática, qui administra a parte libre d'o territorio (un 20%), y por Marruecos, que ocupa o 80 % restant. A ONU lo considera un territorio no autonomo.
3. **(fr)** Abdoulaye Diarra: *Démocratie et droit constitutionnel dans les pays francophones d'Afrique noire : le cas du Mali depuis 1960* ([http://books.google.fr/books?id=8IVSKb91EPUC&pg=PA18&dq=1235+Soundiata+Ke%C3%AFta+kirina&hl=fr&ei=rlq-ToWiGZSo8AP35oCQBA&sa=X&oi=book\\_result&ct=result&resnum=1&ved=0CDMQ6AEwAA#v=onepage&q=1235%20Soundiat a%20Ke%C3%AFta%20kirina&f=false](http://books.google.fr/books?id=8IVSKb91EPUC&pg=PA18&dq=1235+Soundiata+Ke%C3%AFta+kirina&hl=fr&ei=rlq-ToWiGZSo8AP35oCQBA&sa=X&oi=book_result&ct=result&resnum=1&ved=0CDMQ6AEwAA#v=onepage&q=1235%20Soundiat+Ke%C3%AFta%20kirina&f=false)), éd. KARTHALA, 2010, p.18.
4. **(fr)** DIALLO Boubacar Séga: *L'empire du Mali* (<http://www.histoire-afrique.org/article163.html>), Universitat de Bamako.
5. *Tiken Jah Fakoly - L'Afrique ne pleure plus, elle parle.*, Les arènes, 2008, p.12, 16-19.
6. **(en)** Dr. Richard Pankhurst: *Ethiopia Across the Red Sea and Indian Ocean* ([http://www.civicwvlib.com/cwvlib/africa/ethiopia/pankhurst/ethiopia\\_across\\_red\\_sea\\_&\\_indian\\_ocean.htm](http://www.civicwvlib.com/cwvlib/africa/ethiopia/pankhurst/ethiopia_across_red_sea_&_indian_ocean.htm)), 1999: conchunto de 3 articlos publicatos en o diario etiope *Addis Tribune* sobre as relaciones entre Etiopia y os países de l'ocián Indico mientres os periodos de l'Antigüidat y os alazetz d'a Edat Meya, mas que mas con a India.
7. **(fr)** MSN Encarta ([http://fr.encarta.msn.com/encyclopedia\\_761572628\\_6/Afrique.html](http://fr.encarta.msn.com/encyclopedia_761572628_6/Afrique.html))

### Estados d'Africa

Alcheria | Angola | Benín | Botswana | Burkina Faso | Burundi | Cabo Verde | Camerún | Chad | Chibuti | Comoras | Costa de Vori | Echipto<sup>1</sup> | Eritrea | Eswatini | Etiopia | Gabón | Gambia | Ghana | Guinea | Guinea-Bissau | Guinea Equatorial | Kenia | Lesoto | Liberia | Libia | Madagascar | Malawi | Mali | Marruecos | Mauricio | Mauritania | Mozambique | Namibia | Nícher | Nicheria | Republica Centrafricana | Republica d'o Congo | Republica Democrática d'o Congo | Ruanda | Sahara Occidental<sup>2</sup> | Sant Tomé y Príncipe | Senegal | Seychelles | Sierra Leone | Somalia | Somalilandia<sup>2</sup> | Sudafrica | Sudán | Sudán d'o Sud | Tanzania | Togo | Tunicia | Uganda | Zambia | Zimbabwe

**Dependencias:** Ascensión | Canarias | Ceuta | Madeira | Mayotte | Melilla | Pantelleria | Reunión | Santa Helena | Socotra | Tristán da Cunha

<sup>1</sup> Parcialment en Asia. <sup>2</sup> Parcialment reconoixito u en disputa

Obtenito de "<https://an.wikipedia.org/w/index.php?title=Africa&oldid=1664882>"



O texto ye disponible baixo a [Licencia Creative Commons Atribución/Compartir-Igual](#); talment sigan d'aplicación clausulas adicionais. Mire-se [os termins d'uso](#) ta conoixer más detalles.